



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Svcqvet E Societate Iesv Via Vitæ Æternæ

Sucquet, Antoine

Antverpiae, 1630

Alia ex D. Bernardo

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

*Quomodo se
anima ad
temporalia
habere de-
bet.*

*Povertatis
& pauperū
amor.*

bes aliorum non videre defectus; aut si videas, per compa-
sionem supponere ut tua. Ut autem utiliter ad tempora-
lia, & aeterna te habeas perfectè, scito, quod temporalia de-
bes aspiciere sub quadruplici sensu. Primò, scilicet ut tam-
quam peregrinus & advena sentias omnia ut extranea &
aliena, in tantum, ut tua vestis tuo sit sensui ita extranea, ac si
esset in Indià. Secundò, ut in tuo usu abundantiam timeas, ut
venenum, & ut mare submergens. Tertiò, ut in tuo usu o-
mnem inopiam & egestatem sentias, quia ipsa est scala
per quam ascenditur ad caelestes divitias & aeternas. Quartò
ut societatem, contubernium & apparatus divitum & ma-
gnatum fugiens, non ex contemptu tantum de societate pau-
perum gloriaris, & in memoria, & adpectu, atque con-
versatione pauperum & despectorum totus lateris, quasi ex-
pressâ imagine Christi, & eis quasi Regibus cum sum-
mâ alacritate, & jucunditate, & reverentiâ associe-
ris.

*Documenta ad perfectionem ex Divi
Bernardi Formulâ honesta
vita.*

*Contemptus
rerum hu-
manarum.
Resignatio.*

SI plenè vis assequi quod intendis, duo sunt tibi necessaria;
Primum est ut subtrahas te ab omnibus transitoriis re-
bus, & terrenis, ut nihil de eis cures, ac si non essent. Secun-
dum, ut ita te des Deo, ut nihil dicas vel facias nisi quod
credideris firmiter placere Deo. Primum autem assequeris
hoc modo. Omnibus modis, quibus potes, te vilifica, te ni-
hil reputando esse, sed credas omnes homines esse bonos &
meliores te, magis que placere Deo: quaecumque audis, vel
vides in Religionis personis, puta bonâ intentione dici vel fieri,
etiam si contraria videantur: nam humana suspicio facilè
fallitur. Nulli displiceas, nihil unquam de te loquaris quod
laudem importet, quantumcumque sit familiaris ille cum
quo loqueris: imò plus labora calare virtutes, quam vitia.
De nullo prorsus sinistrè loquaris (quantumcumque sit
verum vel manifestum) nisi in confessione, & hoc, ubi non po-
tes aliter manifestare peccatum tuum. Libentiùs accommo-
da aurem tuam, cum aliquis laudatur, quam cum vituperatur.
Cum loqueris, verba tua sint rara, vera, ponderosa, & de
Deo: si saecularis loquitur tecum, & vana proponit, quam
citiùs potes succide sermonem, & transferas te ad ea quae Dei
sunt.

*Lanu pro-
pria fugien-
da.
Retractio.*

*Sermo qualis
sit oportet.*

sunt. Quidquid contingat tibi, vel alij, quantumcumque
 conjuncto, non cures, & si est adversum, non tristeris; si est
 prosperum, non læteris: sed totum nihil puta, & lauda Deum. *Resignatio*
 Sollicitudinem adhibe, quantum maximè potes, ut utilitati
 tuæ sedulus intendas. Fuge locutoria quantum potes: me-
 lius est enim silere, quàm loqui. Post Completorium non lo-
 quaris, quousque finita sit Missa sequentis diei, nisi casu a
 maxima intervenerit. Cum vides aliquid quod tibi displicet, *Ex ob viis*
 vide si hoc est in te, & abscinde; si verò vides aliquid quod ti- *quod colli-*
 bi placet, vide si hoc est in te, & tene, si non est, adsume: & sic *gendum.*
 erunt tibi omnia in speculo. De nulla re murmures cū aliquo,
 nisi credideris prodesse, quantumcūque sit grave quod habes.
 Numquam pertinaciter aliquid affirmes, vel neges sed sint tuæ
 affirmationes & negationes, dubitationis sale conditæ. A ca-
 chinnis semper abstineas; rideas verò rarò, & cum paucis præ-
 stes os tuum. Breviter in omnibus dictis tuis sic te habeas, ut
 sint ita, quæ dubia, dimittantur. Secundum assequeris hoc *Orationi*
 modo: orationibus cum magnâ devotione intendas, & eas di- *instandum.*
 cere labora horis debitis, & quod offers in oratione reminisca-
 ris in corde, & ut ea quæ legis, confirmes, diligenter recogita
 & eorum imagineris statum in quorum memoriâ hæc dixeris.
 Ista tria semper in mente habeas: Quid fuisti, quid es, quid e- *Humilitatis*
 ris. Quid fuisti, quia sperma foetidum; quid es, quia vas sterco- *exercitium.*
 rum; quid eris, quia esca vermium. Similiter imagineris eorum
 pœnas, qui sunt in inferno, & quòd numquam finientur, &
 pro quàm modicâ delectatione tanta mala patiuntur. Simili-
 ter imagineris gloriam Paradisi, & quòd numquam finietur,
 & quàm breviter & citò acquiritur: & quantus luctus & dolor
 poterit esse illis, qui pro parvâ re tantam gloriam amiserint.
 Cum habes aliquid quod tibi displicet, vel times habere, co- *In adversis*
 gita quòd si tu esses in inferno, & illud, & quidquid nolles ha- *quid co-*
 beres. & cū habeas aliquid quod tibi placet, vel optas habere, *tandum.*
 cogita quòd si tu esses in Paradiso, haberes illud & quidquid
 velles: si autem in inferno esses, nec illud, nec aliud, quod vel-
 les haberes. Quandocumque est festum alicujus Sæcti, cogita
 de illo quanta sustinuit propter Deum, quia brevia; & qualia
 adeptus est, quia æterna. Similiter cogita quia transeunt bono-
 rû tormenta, malorû gaudia. hi cū istis tormentis adepti sunt
 gloriam æternâ, & isti ex indebitis gaudiis æternam pœnam. *Hoc scribitur*
 Quandocumq; te vincit acedia, accipias hoc scriptû & ima- *legendum*
 gineris hæc omnia diligenter: & cogita de tēpore quod sic per- *crebro.*
 dis, quòd illi qui in inferno sunt, darent totum mundum (si
 haberent) pro eo. Cum habes aliquas tribulationes; cogi-

Examen.

ta quòd illi qui sunt in paradiso, carent eis: similiter cum habes aliquas consolationes, cogita illos de inferno carere eis. Omni die cum vadis cubitum examina diligenter quid cogitasti, & quid dixisti in die, & quomodo utile tempus, & spatium quod datum est ad acquirendam vitam æternam, dispensasti: & si benè transivisti, lauda Deum, si malè, vel negligenter, lugeas, & sequenti die non differas confiteri. Si aliquid cogitasti, dixisti, vel fecisti, quod tuam conscientiam multum remordeat, non comedas antequam confitearis. Istud in fine pono, ut imagineris duas civitates, unam plenam omnibus tormentis, quæ est infernus; alteram plenam omni consolatione, quæ est paradysus; & ad unam illarum oportet te currere. Vide quid te possit trahere ad malum, vel impedire à bono: credo, quòd nihil invenies. Certus sum, quòd, si benè servaveris ea, quæ sunt hic, Spiritus sanctus habitabit in te, & perfectè docebit te facere omnia. Ergo bene serves ista, & nihil negligas, & lege ea in septimanâ bis, scilicet in die Mercurij, & in die Sabbati, & ut inveneris te fecisse quod scriptum est; lauda Deum; qui est pius & misericors in sæcula sæculorum. Amen.

Dua civitates ad quas homines tendunt.

Epistola cohortatoria Sancti Thomæ ad quemdam, in quâ proponit idoneum modum salubriter acquirendi scientiam, sive humanam, sive divinam.

Custodiam oris, &c.

QVIA quæstisti à me, in Christo mihi clarissime, qualiter te studere oporteat in thesauro scientiæ acquirendo; tale à me tibi super hoc traditur consilium, ut per rivulos non statim in mare eligas introire, quia per faciliora ad difficiliora oportet devenire. Hæc est ergo monitio mea, & instructio tua. Tardiloquum te esse jubeo, & tardè ad locutorium adscendentem: conscientiæ puritatem amplectere, orationi vacare non desinas: cellam frequenter diligas, si vis in cellam vinariam introduci. Omnibus te amabilem exhibe, nihil quære penitus de factis aliorum, nemini te multum familiarem ostendas: quia nimia familiaritas parit contemptum, & subtractionis à studio materiam subministrat. De verbis & factis sæcularium nullatenus te intromittas. Discursus super omnia fugias. Sanctorum & bonorum imitari vestigia